

弄丸心法

蜀新都楊鳳庭西山弄丸心法全集

共八卷

彭先春 張玉軒

金典書 楊克三

再傳門人 夏賡虞 韋啟泰 同校

黃元吉 張福堂

傅子華 湯績成

目錄

一卷 脈訣

二卷 脈訣

三卷 雜論

四卷 雜論

五卷 雜症

六卷 雜症

七卷 雜症

八卷 婦科 兒科

附錄 卷一 弄丸心法全集

弄丸心法卷七

新都張福堂校刊

中風門立方

參附湯 巴戟地黃飲 六味湯 外搽賴車方 一

陰煎 內服救陽湯 二陰煎 耆附菊花湯 通關

散 八味順氣散 朮附湯 全真一氣湯 耆附湯

六君子湯 益智仁湯 左中風湯 補中湯 左歸

飲 右歸飲 大補元煎 四物湯 當歸桂枝湯

小健中湯 導滯通幽湯 五苓散 八正散 六味

合生脈散

中風論

中風一症多屬眞陰眞陽虧損所致。眞陽虛則脾腎之關不固。腠裏之護不密。或一遇虛邪賊風。則喘汗頓作。或痰涎上壅。嘔吐水液各色。此乃陽不攝水而濁水泛上。或土氣敗絕而涎出也。或下則遺溺。此係脫症。必口開手散。四肢戰慄。筋脈惕動。此卽所謂中臟危在頃刻。其昏厥心神迷惑等狀。乃陽神失守之故。切不可仍當痰迷及氣絕論治。此症本難挽救。若冀百死一生。以用藥必須與其家言透方可。惟以參附大劑救之。

參附湯

人參

多則一兩
少則五錢

製附片

五錢

水煎頻服之

若氣上喘下瀉。則用人參五六錢。以至一二兩。每參一兩。配以酒炒故紙三錢。時時服之。

眞陰虛症。其來較緩。河間所謂腎水大虛。不濟心火。則爲風痺。舌瘖不能言。肢攣不能動。語言蹇澁。口眼歪斜。或身有熱。面赤如醉。此卽所謂類中症。論理則當補陰而陰必須陽乃化。故河間用巴戟地黃飲。仍兼桂附。蓋必火中求水。以火蒸水。水乃上升。而成旣濟。眞陽不生。邪火不能斂鋒也。宜先用河間地黃飲。候症減。然後以六味湯。一陰煎。多與之。余新製有一方。

巴戟地黃飲

大熟地

杭巴戟

去心酒
浸泡用

眞懷藥

肉

菰蓉酒洗去甲製附片 官桂 淨棗皮 石菖蒲 白

茯苓 寸麥冬 遠志肉 五味 石斛

六味地黃湯 熟地 丹皮 懷藥 茯苓 澤瀉

一陰煎 生地 麥冬 白芍 丹參 懷夕 炙草

新方左中風 熟地自製一兩 巴戟酒炒五錢 黑豆童便酒炒五錢 菊花三錢

枸杞五錢 姜汁一二匙 竹瀝半酒盃 冲服

若一起牙關緊急口眼歪斜四肢溫熱痰涎阻滯無汗
出遺溺嘔吐諸症脈浮緩而滑或微緊此係陽虛在表
不固外遇邪風是為合症可救宜先以通關散吹鼻取
嚏以開其竅兼以生附子生南星為末姜汁調搽頰車

以開牙關用藥以救陽為主

通關散

牙皂

石菖蒲

北細辛

共為細末吹鼻

外搽方

生南星

生附子

共為細末姜汁調搽

內服救陽方

白朮

兩

附片

三錢

黃菊花

三錢

生薑片

三片

水

煎服痰多加竹瀝氣壅加陳皮用鹽湯泡去白三錢如或遺尿嘔吐亦係合症而通關竅之後汗出迷悶則用生黃耆三錢附片三錢黃菊花三錢炙甘草六分水煎服痰多加竹瀝姜汁氣逆壅塞加陳皮如四肢冷不熱牙關緊急昏不知人不見痰喘此係氣厥症其脈多沉緩宜用八味順氣散

八味順氣散

人參三錢 白朮三錢 茯苓三錢 陳皮三錢 半

夏三錢 白芷一錢 台烏五分 鹽水炒 炙草八分 亦可加木香磨

汁三四分。如夾痰加姜汁竹瀝。

一凡陰陽虛症用朮附參附耆附等湯。稍緩復甦。用全

真一氣湯。多服萬無不效。

一凡諸症漸甦。但語言蹇澁。口多流涎。用六君子湯加

石菖蒲益智仁與服。

六君子湯

加石菖蒲益智仁湯 人參 白朮

茯苓 廣皮 半夏 石菖蒲 益智仁 炙草

一凡手足頑麻。頭汗身熱。語漫。但用補中益氣湯加五

味子白芍廣木香與服

補中益氣湯

人參

黃耆

當歸

白芍

白朮

廣皮

炙草

升麻

柴胡

五味

木香

一凡癱瘓左用左歸飲右用右歸飲病後平調以大補元煎久久多服自效

左歸飲

熟地

山藥

枸杞

茯苓

枣皮

炙草

右歸飲

熟地

山藥

枸杞

杜仲

枣皮

炙草

上桂

附片

大補元煎

人參

山藥

熟地

枸杞

枣皮

杜仲

當歸

炙草

一凡手足抽掣名曰瘈瘲。乃係筋攣。但審氣血如血虛必顯燥症。用四物湯加苡仁。鈎藤。姜汁。竹瀝。如氣虛多兼寒象。用六君子湯加苡仁。鈎藤。姜汁。竹瀝。但背惡寒足冷。仍加熟附子。此癱瘓中多見之。

六君子湯

加苡仁。鈎藤湯

人參

白朮

茯苓

炙草

廣皮

半夏

苡仁

鈎藤

姜汁

竹瀝

四物湯

加苡仁。鈎藤湯

當歸

川芎

白芍

地

黃

苡仁

鈎藤

姜汁

竹瀝

冲服

熟附子

亦可加入

參附專主下元真陽虧脫危症。根本之陽一脫。則五臟氣皆立盡。故惟此急挽之後稍愈。則用全真一氣湯大

補元煎二方調治。

全真一氣湯

人參二三錢至一兩 白朮二錢四分炒 麥冬二錢四分炒

五味

六分至八分

熟地

八錢至一兩

牛夕

二錢 附片

一錢至三錢

大補元煎

方見前

按術附治中腕脾胃之陽傷敗中宮一寒陰凝四塞必多溼痰故用術附以回中陽而運四肢病後多用六君補中二方調治。

六君子湯

方見前

補中益氣湯

方見前

按耆朮附治上焦及表外之陽不固恐汗出而亡陽且

邪風鼓盪而經氣散絕。故用此護救之。此後多用小健中湯。或當歸桂枝湯調治。

小健中湯

桂枝

甘草

飴糖

白芍

大棗

生姜

當歸桂枝湯

當歸

桂枝

白芍

甘草

大棗

生姜

又方

陳皮

黃菊花

童便

一盃

竹瀝姜汁甘草湯

可救

凡一切昏厥。如痰厥。加白礬。氣厥與暑厥。加合香。食厥。加神曲。如中風便閉症。但用東垣導滯通幽湯。不可下。

導滯通幽湯

生地

熟地

當歸

升麻

桃仁

紅花

炙草

亦可加枳榔

一中風小便不利。不可利小便。輕用五苓散。八正散。但用補中益氣湯。重加阿膠。麥冬。以清肺化氣。肺氣壅者。用瀉白散。加麥冬。黃芩。阿膠。如服此不愈。水涸也。重用六味地黃湯。合生脈飲。

五苓散

豬苓

茯苓

白朮

澤瀉

桂枝

八正散

車前

木通

瞿麥

扁蓄

滑石

梔子

大黃

甘草稍

六味地黃湯

合生脈飲

熟地

棗皮

懷藥

茯苓

丹皮

澤瀉

人參

麥冬

五味

診雙流縣徐公脈治案

診得左寸脈浮動微滑。此血損而心火煩擾也。浮者陽也。滑亦陽也。動則不能充部而短。爲陽中有陰。心血減則神煩。神煩則客陽浮擾上焦而薄肺。此脈非得水而濟不能寧謐也。左關先按毛皮分濇。再尋前半指微動欲出而後半指短而俯。此陽前至而陰不隨也。陽前至則衝氣易發。以肝與衝爲脈。同爲血海。陰不隨則血枯。左尺弱濇弱則精弱。濇則精傷。合左手三部是陰不足也。而虛陽上浮。水不濟火之診也。右手寸部短濇之甚。沉分亦遲。合氣口遲濇。此主病也。以六脈中皆有濇象。而本部尤甚。浮短濇皆肺金主脈。而短濇爲金氣不足。

短則氣病。濇則液乾。益之以遲。大氣不布。胃中清陽升。生之氣已減。而肺葉不舉。不能驅化涎沫。上潤咽嗑。以布水精。則諸經無所稟受。而虛者愈虛。滯者益滯矣。右關脈細而遲。尋之亦濇。右關脾胃土也。細則氣少。而浮沫外出。遲則中寒。而肌膚脫減。濇則榮枯。而大便時約。遲則陽虛易陷。濇則陰少易秘。此所以大便或艱。或瀉也。脾胃金之母氣也。土寒則金寒。所以嗽而咽緊。土燥則金燥。所以嗽而咽乾。若聲嘶音之不響。則肺寒肺熱。皆能使然。金則寒燥相因。蓋此燥非風熱煎灼。鬱閉之燥。乃血減液傷之燥也。氣寒而減。則愈無以化液。且無

以攝液。液不化之處則偏乾。液不攝則化爲痰而水脫。此全患之情也。右尺脈亦短而濇。則真火亦實不足。而隔上薰蒸之火乃客陽耳。客者可去。陽不可去。引之納之。以使回宅可也。合右手三部。乃火土化源虧敗。而金氣大損。肺金氣液俱減之診也。以脈與症斷之。此乃久病陰虛勞損。肺胃失養。今爲肺痿之病。經謂肺傷而咳。法當口中燥。今乃時多濁唾涎沫。此爲肺痿。又肺脈數虛爲肺痿。數虛由陰液減。火動而數。肺被火刑。氣病而脈虛。見肺痿由氣大傷所來也。今脈已不能數。而左寸心部之滑動。則與數理同。是燔灼陰膏之火。猶未嘗息。